



Broj: 11-07/01-34-28707-31/25
Sarajevo, 02.06.2025. godine

SKUPŠTINA KANTONA SARAJEVO

n/r Elvedin Okerić, predsjedavajući Skupštine Kantona Sarajevo
-ovdje-

PREDMET: Odgovor na zastupničko pitanje - *dostavlja se*

Poštovani,

Zastupnica u Skupštini Kantona Sarajevo **Jelena Pekić** je u okviru 22. radne sjednice Skupštine Kantona Sarajevo, u skladu sa čl. 211. i 214. Poslovnika Skupštine Kantona Sarajevo, uputila je zastupničku inicijativu, koja glasi:

„Ministarstvo za odgoj i obrazovanje je 18.04.2025. godine donijelo akt o stavljanju van snage saglasnosti za raspisivanje javnog oglasa (raspisanog 20.02.2025) za popunu upražnjenih pozicija u JU „Djeca Sarajeva“. U skladu sa navedenim molim da mi odgovorite na slijedeća pitanja:

- 1. Šta je razlog povlačenja saglasnosti i poništenja navedenog konkursa?*
- 2. U javnom pozivu, kao mjesto rada navode se vrtići JU Djeca Sarajeva“, pri čemu se to odnosi na sve organizacione jedinice ove ustanove. S obzirom na to da su opis poslova, osnovni i posebni uslovi identični za sve pozicije, molim pojašnjenje zbog čega se radna mjesta nisu objedinjeno prikazala pod rednim brojem s naznačenim brojem izvršilaca (npr, 21 izvršilac), već su prikazana kao 21 odvojena pozicija, svaka za po jednog izvršioca. Također, zbog čega se provodi 21 zaseban konkursni postupak, kada bi se, u cilju racionalizacije, mogao provesti jedinstven postupak selekcije sa rang-listom 21 najuspješnijeg kandidata? Odgajatelj koji se prijavi mora izaći na 21. usmeni. Pismeni ispit da ne bi bio eliminisan iz konkursne procedure koje su potpuno identične, a što smatram da je stresno i neefikasno za kandidate/kinje koji apliciraju, ali i za ustanovu koja provodi konkurs).*
- 3. Da li će se zbog poništenja konkursa i ne provođenja istog, neki vrtići ostati bez odgajatelja budući da određenom broju odgajatelja ugovori su istekli ili ističu u narednom periodu?“*

Odgovor:

1. Ministarstvo za odgoj i obrazovanje Kantona Sarajevo (u daljem tekstu: Ministarstvo) je dana 10.04.2025. godine, zaprimilo akt broj: UP-1-14-12-34-04577/25 od 04.04.2025. godine dostavljen od strane postupajućeg kantonalnog prosvjetnog inspektora Kantonalne uprave za inspeksijske poslove Kantona Sarajevo. U predmetnom aktu se navodi da je izvršen inspeksijski nadzor u Javnoj ustanovi “Djeca Sarajeva” na okolnosti raspisanog konkursa, broj: 01-01-17/25 od 11.02.2025.

godine u kojem je za poziciju odgajatelja uvršteno isključivo VSS Pedagoški fakultet smjer predškolski odgoj i obrazovanje, a ne i svršenci Prekvalifikacije što je u suprotnosti sa Odlukom o izmjeni i dopuni Odluke o pedagoškim standardima i normativima za predškolski odgoj i obrazovanje ("Službene novine Kantona Sarajevo", broj: 3/25), te će se shodno navedenom djelovati odgovarajućom upravnom mjerom, rješenjem naređenjem. Također, na osnovu Informacije, broj: UP-1-14-09-30-05572/25 od 26.03.2025. godine, utvrđeno je od strane postupajućeg inspektora rada u dijelu nadzora koji se odnosi da je Vlada Kantona Sarajevo donijela Odluku o izmjeni i dopuni odluke o pedagoškim standardima i normativima za predškolski odgoj i obrazovanje u kojima je uslov za radno mjesto odgajatelj proširuje tako da i ostali kandidati koji imaju završen Program "Prekvalifikacija za rad u predškolskom odgoju i obrazovanju" mogu raditi kao odgajatelj sa određenom završenom školom koja se navodi u pomenutoj Odluci kao i da je ustanova bila dužna svoj Pravilnik uskladiti sa navedenom Odlukom i u Javnom konkursu staviti uslove koji su definisani ovom izmjenom, a imala je dovoljno vremena. Odlukom o izmjeni i dopuni odluke Pedagoškim standardima i normativima za predškolski odgoj i obrazovanje ("Službene novine Kantona Sarajevo", br. 3/25), propisano je da: "Pored lica iz stava (2) ovog člana predškolske ustanove mogu zaposliti polaznike programa necikličnog obrazovanja "Prekvalifikacija za rad u predškolskom odgoju i obrazovanju" koji su ostvarili Certifikat sa dodatkom (obrazac 15. i 15.1.) Pravilnika o sadržaju javnih isprava ("Službene novine Kantona Sarajevo", broj 46/23) i time stekli kompetencije za samostalni odgojno- obrazovni rad u predškolskim ustanovama" (ostvarenih 60 ECTS). (4) Program necikličnog obrazovanja "Prekvalifikacija za rad u predškolskom odgoju i obrazovanju" je namijenjen za bachelore, magistre ili profesore razredne nastave i za bachelore, magistre ili profesore pedagogije koji su završili trogodišnji, četvorogodišnji ili petogodišnji studij razredne nastave ili trogodišnji, četvorogodišnji ili petogodišnji studij pedagogije (180, 240, 300 ECTS bodova). (5) Polaznici programa iz st. (3) i (4) koji su stekli Certifikat sa dodatkom (obrazac 15. i 15.1.) Pravilnika o sadržaju javnih isprava ("Službene novine Kantona Sarajevo", broj 46/23) i kompetencije za samostalni odgojno-obrazovni rad u predškolskim ustanovama" (sa ostvarenih 60 ECTS) stiču pravo za izbor mentora i podliježu pripremama za polaganje stručnog ispita ako to nisu položili u skladu s Pravilnikom o polaganju stručnog ispita odgajatelja, nastavnika i stručnih saradnika ("Službene novine Kantona Sarajevo", broj 12/00, 10/01, 22/04)". Shodno navedenom, a u skladu sa utvrđenim činjeničnim stanjem na osnovu informacija nadležnih inspektorata Kantonalne uprave za inspeksijske poslove Kantona Sarajevo donesen je Zaključak o stavljanju van snage Saglasnosti broj: 11-10-30-3574-1/25 od 31.01.2025. godine, za raspisivanje javnog oglasa za popunu upražnjenih pozicija u Javnoj ustanovi "Djeca Sarajeva".

2. Nakon što je Javna ustanova "Djeca Sarajeva" poništila javni konkursa za prijem radnika, Ministarstvo za odgoj i obrazovanje Kantona Sarajevo dalo je saglasnost kao što ste naveli u Vašem upitu, u kojoj su *objedinjena radna mjesta „Odgajatelj“ prikazana pod rednim brojem s naznačenim brojem izvršilaca, u konkretnom slučaju 33 izvršilac.*

3. Kada je u pitanju poništenje konkursa i istek ugovora o radu odgajateljima zaposlenim u Javnoj ustanovi „Djeca Sarajeva“, ističemo da je na osnovu Informacije, broj: UP-1-14-09-30-05572/25 od 26.03.2025. godine, od strane postupajućeg inspektora rada Kantonalne uprave za inspeksijske poslove Kantona Sarajevo, utvrđeno da je navedena ustanova bila dužna svoj Pravilnik uskladiti sa Odlukom o izmjeni i dopuni Odluke o pedagoškim standardima i normativima za predškolski odgoj i obrazovanje ("Službene novine Kantona Sarajevo", broj: 3/25) i u Javnom konkursu staviti uslove koji su definisani ovom izmjenom, a imala je dovoljno vremena. U Kantonu Sarajevo već par godina evidentan je nedostatak odgajatelja u skladu sa stručnim profilom utvrđenim Odlukom o Pedagoškim standardima i normativima za predškolski odgoj i obrazovanje Kantona Sarajevo" (Službene novine Kantona Sarajevo 46/16, 12/21, 20/22, 35/24), što potvrđuju oglasi objavljeni na stranici JU „Služba za zapošljavanje Kantona Sarajevo“. S obzirom na izražene potrebe za kvalificiranim stručnim kadrom u oblasti predškolskog odgoja i obrazovanja u javnim i privatnim predškolskim ustanovama Kantona Sarajevo i uočenim neodgovarajućim profilima određenih zaposlenih osoba u predškolskim ustanovama, što potvrđuju inspeksijski

nadzori od strane prosvjetnih inspektora pokrenuta je inicijativa za realizaciju programa cikličnog obrazovanja s ciljem prekvalifikacije profesora razredne nastave (učitelja) i pedagoga koji su zaposleni u predškolskim ustanovama području Kantona Sarajevo već duži period, a nemaju odgovarajući stručni profil odgajatelja potreban za samostalan rad u odgojnoj grupi sa djecom predškolskog uzrasta u skladu sa Zakonom o predškolskom odgoju i obrazovanju u Kantonu Sarajevo („Službene novine Kantona Sarajevo“), broj: 26/08, 21/09, 33/21 i 31/22) i Odlukom o Pedagoškim standardima i normativima za predškolski odgoj i obrazovanje Kantona Sarajevo“ (Službene novine Kantona Sarajevo 46/16, 12/21, 20/22, 35/24), Ministarstvo za odgoj i obrazovanje Kantona Sarajevo poduzelo je gore navedene aktivnosti, sve u cilju rješavanja problema, a shodno vašem upitu i u cilju najboljeg interesa djeteta. Nadalje, Ministarstvo za odgoj i obrazovanje Kantona Sarajevo dalo je saglasnost za angažovanje radnika bez raspisivanja javnog konkursa na određeno vrijeme do okončanja konkursne procedure, broj: 11-10-25956-1/25 od 27.05.2025. godine.

S poštovanjem,



Dostaviti:

1. Naslovu;
2. Evidenciji;
3. A/a.